




# Mālō e lelei mei Matakasikā!



Malō e Lelei, ko Mako mo Paolo kimaua.

'Okú ma fononga takai holo he māmani ke ako fekau'aki mo e fānau 'a e 'Otuá. Kau fakataha mo kimaua 'i he 'ema 'a'ahi ki Matakasikā!



Ko **Matakasikā** ko ha ki'i motu ia 'i he matāfanga fakahahake 'o 'Afilikā. 'Oku lahi ai e 'ū 'akau mo e fanga manu 'oku 'ikai ke ma'u ia 'i ha toe feitu'u 'i he māmani—hangē ko e limoa (lemur) hiku lōloa ko 'enī.



'Oku tokoni 'a e ongo tamaiki tangata ko 'enī ke fua e ngaahi sioki vai ma'a honau fāmilī. 'Okú ke tokoni fēfē nai ki ho fāmilī?



'Oku tokosi'i 'a e Siasí 'i Matakasikā, ka 'oku tupu ia! 'I he taimi ní, 'oku 'i ai ha ngaahi uooti 'e 14 mo e ngaahi kolo 'e 26.

'Oku lahi ange 'a e fa'ahinga kehekehe 'o e fōkaí 'oku nofo 'i Matakasikā 'i ha toe feitu'u 'i he māmani!



Ko e ngaahi fu'u 'akau baobab ko 'enī 'oku lava ke tauhi 'i hono sinó ha vai lahi 'aupito—'o d'u ki he lita 'e 120,000!

Namana!



NGAAHI TA FAKATATA 'A KATIE MCDBEE

Ko e fo'i lea faka-Malakasi ki he "kaume'á" ko e *namana*. Kapau te ke fetaulaki mo ha kaungā-me'a fo'ou 'i Matakasikā, ko e hā ha me'a te ke talaange kiate ia?

Fe'iloaki mo ha ni'ihī homa ngaahi kaungāme'a mei Matakasikā!



'Oku ou 'ilo' ko Sīsū Kalaisi 'a hotau Fakamo'uí.

**Nētane, ta'u 7, Vāhenga 'Anitanalivo, Matakasikā**



Ko Lāsolo M. Nalesoní ko ha palōfita ia 'a e 'Otuá.

**Nomina, ta'u 6, Vāhenga 'Anitanalivo, Matakasikā**



'Okú ke ha'u mei Matakasikā? Tohi mai kiate kimaua! 'Okú ma fie fanonga meiate kimoutolu.

'Oku tokolahi e kakai 'i Matakasikā 'oku nau kai laise 'o tu'o ua pe tu'o tolu he 'aho, ko e taimi 'e ni'ihī 'oku kai 'aki ia 'a e vesitapolo, piini, pe kakano'i manu.



Fakamālō atu 'i ho'omou fie mamata 'i 'a Matakasikā mo kimauá. Tau toki sio!